

海波清見本真了了時心便了微微處水澄清爲觀  
俗事愚癡子故守禪堂不出門師父每句復酬三句完之  
爲八絕按八識

開閉深藏有甚因都緣眼界絕紅塵白駒點點難相染野馬紛  
紛任自中

無言靜坐去貪嗔耳內繁華勿我親不鼓聲音唯作伴無絃曲  
調自爲隣

高樓畫角如春夢鼻息冲和言不用此別分明善果生這回只  
把良因種

釋海波清見本真舌中五味不登唇三時恬淡唯清靜一味甘  
道藏輯要

重陽全真集

九 下胃集一

甜沒價珍

了了時心便了身中一點圓光小從茲默默與昏昏又更冥  
冥還杳杳

微微處水澄清意盡心忘滅盡情無漏無爲登正覺不增不  
減證圓成

爲觀俗事愚癡子妄想難除生與死迴光返照這裏來識心見  
性投玄旨

故守禪堂不出門並無煩惱性中昏未酬救徹衆生願好把玄  
談細闡論

贈釋友號無名

法師今已得清涼一性昭然顯瑞祥卻把無名爲雅號釋迦元  
住在何方

友人求問

青春應是好看書義理昭然覺自如若赴選場須決勝榮家顯  
已掛金魚

閩學士寫上四句續和十二句

輪迴生死如何免認取亘初真正面三珍五彩一齊攢長生路  
上霞光現

欲愛貪財甚法離真清眞淨是精持般般物物俱無著一箇圓  
光上玉池

道藏輯要

重陽全眞集

十 下冊集一

過隙光陰能久矣人人總悟非行使閑中等取眞箇眞得後道  
遙共歡喜

衰顏寧再去年時裏面眞人本不衰莫戀外容著假合嬰兒相  
貌示無移

贈釣翁

這箇魚兒耍更顛鋪鱗潑潑躍清泉金鉤三擲吞香餌一掣神  
仙几案前

贈童子修行

白袍青包宿世因有緣遇我脫迷津雖然未達玄中妙已作蓬  
萊小道人